

欽定大清會典則例

理藩院



欽定大清會典則例卷之一百四十二

理藩院

王會清吏司

一朝覲。順治五年定。蒙古王。貝勒。貝子。公。台吉。都統等。準於年節來朝。○六年題準。蒙古朝覲之期。每年定於十二月十五日以後。二十五日以前到齊。

一朝儀

國初定。蒙古王。貝勒等。凡遇年節。皆會集於各扎薩克處。咸朝服。望



闕行三跪九叩禮。○康熙二十六年題準。朝覲來京之王等。凡遇祭祀。一例齋戒。遇朝會。按班齊集。違者。罰俸六月。○三十二年議準。蒙古王。貝勒。及鄂羅斯等處來使。如遇年節。冬至。及凡遇慶賀。皆行三跪九叩禮。來使。凡遇

召見。賜茶。及賜燕。均行三跪九叩禮。食畢。行一跪三叩禮。○三十九年覆準。王。貝勒。台吉等來朝。凡

遇祭祀

壇

廟齋戒行禮處。停其陪祀。令於

午門外。按翼排班。候

聖駕出入時。與不陪祀之。在內王公。一例迎送。

一班次。順治八年題準。各蒙古分爲兩班。循環來朝。○十五年題準。承襲王。貝勒。貝子。公爵。未及十八歲者。免其年節來朝。至十八歲。始令入班朝覲。○康熙元年題準。每年元旦。令歸化城。土默特。二都統。輪班來朝。留一人辦事。副都統亦如之。○五十九年題準。年例朝覲。蒙古二十四部落。定例分爲兩班。將班次。曉諭應來之王。貝勒。貝子。公。台吉等。令其按期朝集。如有事故。

令協理旗務之台吉一人前來。若協理旗務之台吉亦有公事及患病等情。即遣本旗內大台吉代覲。仍將情由用印文送院察覈。如並無事故。托辭不朝者。將該管扎薩克等一併題參治罪。○雍正四年奉

上諭。向來四十九旗王台吉等。分爲兩班來京。其家中即有要務。或身抱疾疴。亦必前來。交春始回本地。明歲冬季。又復直班。爲期既近。冬月往返勞苦。深可軫念。嗣後有願來請安者。當於青草時。仍令前來。其循年例來京者。分爲三班。二年一朝。俾得休息。欽此。遵

旨議準。蒙古朝覲內扎薩克。分爲三班。一年一班。輪流來朝。不直班之扎薩克。令該旗協理旗務台吉一人前來。公主之子孫姻戚台吉等。一家一人。亦分爲三班。輪流來

京。內扎薩克一班。以哲里穆盟會內科爾沁親王一人。郡王一人。貝勒一人。鎮國公一人。輔國公一人。郭爾羅斯一等台吉一人。召烏達盟會內。教漢郡王一人。巴林郡王一人。翁牛特貝勒一人。巴林貝子一人。卓索圖盟會內。土默特貝子一人。喀喇沁鎮國公一人。輔國公一人。扎薩克

內扎薩克

朝班應照現在班次覈準。非雍正四年所定。改爲隔一園寫

一等塔布囊一人。錫林郭爾盟會內。蘇尼特郡王一人。阿霸孩郡王一人。高齊忒郡王一人。阿霸哈納爾貝勒一人。烏朱穆秦貝勒一人。蘇尼特貝勒一人。阿霸孩貝子一人。烏朱穆秦鎮國公一人。輔國公一人。烏蘭察布盟會內。吳喇忒輔國公一人。伊克召盟會內。鄂爾多斯貝勒一人。輔國公一人。二班。以哲里穆盟會內。科爾沁親王一人。郡王一人。扎賴特貝勒一人。郭爾羅斯鎮國公一人。科爾沁輔國公二人。郭爾羅斯輔國公一人。召烏達盟會內。翁牛特郡王一人。

扎魯特貝勒一人。喀爾喀左翼貝勒一人。教漢貝勒一人。巴林貝子一人。翁牛特鎮國公一人。扎魯特鎮國公一人。卓索圖盟會內。喀喇沁郡王一人。輔國公一人。錫林郭爾盟會內。高齊忒郡王一人。蘇尼特郡王一人。阿霸哈納爾貝子一人。烏蘭察布盟會內。四子部落郡王一人。毛明安貝勒一人。喀爾喀右翼貝子一人。吳喇忒鎮國公一人。毛明安扎薩克一等台吉一人。伊克召盟會內。鄂爾多斯郡王一人。貝子二人。扎薩克一等台吉一人。三班。以哲里穆盟會內。科

爾沁親王一人。郡王二人。貝勒一人。貝子一人。  
杜爾伯特貝子一人。科爾沁鎮國公一人。輔國  
公二人。召烏達盟會內。奈曼郡王一人。敖漢郡  
王一人。阿祿科爾沁貝勒一人。扎魯特貝勒一  
人。巴林貝子一人。克西克騰扎薩克一等台吉  
一人。卓索圖盟會內。土默特貝勒二人。喀喇沁  
貝子一人。錫林郭爾盟會內。烏朱穆秦親王一  
人。阿霸垓郡王一人。蘇尼特輔國公一人。阿霸  
垓輔國公一人。烏蘭察布盟會內。喀爾喀右翼  
貝勒一人。貝子一人。吳喇忒鎮國公一人。喀爾

喀右翼鎮國公一人。伊克召盟會內。鄂爾多斯  
貝子二人。各令按班來朝。○乾隆五年奏準。擢  
於

御前

乾清門行走之內。扎薩克王貝勒以下。台吉以上。  
分爲兩班。令其每年

萬壽年節輪班來朝。○十年奏準。蒙古王公扎薩克  
等。皆辦理一旗事務之人。盟長又繫總理一盟  
會事務。遠離游牧。來京久住。不免諸事遺誤。再  
擢於

御前

乾清門行走之人。其中盟長。扎薩克等甚多。分爲二班。每年來京久住。游牧事務。恐有遺誤。嗣後除閑散王。公額駙。台吉等照常兩班來朝外。其盟長。扎薩克。不必入於兩班。或遇年班。或有事來京。仍令在

御前

乾清門行走。○十四年奏準。閑散行走之額駙等。分爲三班。一年一班。輪流來朝。一叙次。順治十年題準。蒙古親王。在內親王之

下。郡王。在內郡王之下。貝勒。在內貝勒之下。貝子。在內貝子之下。公。在內公之下。以次叙坐。○十八年題準。年節來朝。或進貢。或會集。坐次。先一二等台吉。次蒙古子。次三等台吉。次蒙古都統。次四等台吉。蒙古副都統。次蒙古叅領。佐領。其蒙古男以下。雲騎尉以上。各按品級分別叙坐。○康熙五年定。一二等台吉。令於內大臣之下叙坐。一貢物。

國初定。歸化城土默特二旗。每年四季。貢馬百匹。

段百疋。○順治二年題準。歸化城土默特二旗。四季貢馬百六十三匹。免其貢段。○十四年題準。歸化城土默特二旗。每年貢石青二千斤。○康熙十三年題準。每年節進貢。科爾沁等十旗。共進十有二九。計羊百有八隻。乳酒百有八餅。鄂爾多斯六旗。吳喇忒三旗。共進九九。計羊八十一隻。乳酒八十一餅。餘二十五旗。共進三九。計羊二十七隻。乳酒二十七餅。由院察收。交與禮部。○二十三年題準。年節進貢。阿霸哈納爾二旗。喀爾喀一旗。共進三九。計羊二十七隻。乳

酒二十七餅。由院察收。交與禮部。○二十四年題準。蒙古王等年節進貢。每旗止令進羊一隻。乳酒一餅。交與禮部。○二十九年奉

旨。科爾沁王台吉。並王福晉夫人等。所進湯羊。每年定例太多。嗣後進羊數不得過二三。○三十四年奉

旨。土默特効力甚苦。嗣後馬鹿鷹鷄等貢。永行停止。○四十年。停止歸化城土默特進貢石青。○四十一年。科爾沁旗分台吉等之妻。進貢湯羊。奉

旨。蒙古進羊。亦非容易。嗣後進

皇太后前者。照常進貢。進於朕前者。著停止。○乾隆元

年覆準。蒙古各旗扎薩克。每年十二月。各進羊一隻。乳酒一餅。著為定例。今鄂爾多斯。別分一旗。其管旗之扎薩克。台吉等。願貢羊酒。應準其照例進貢。

一貢道。科爾沁。郭爾羅斯。杜爾伯特。扎賴特。均由山海關。土默特。扎魯特。阿祿科爾沁。敖漢。奈曼。喀爾喀左翼。喀喇沁。翁牛特。均由喜峯口。阿霸哈納爾。阿霸垓。蒿齊忒。烏朱穆秦。巴林。克西克騰。均由獨石口。喀爾喀右翼。四子部落。蘇尼特。毛明安。均由張家口。歸化城。土默特。鄂爾多

斯。吳喇忒。均由殺虎口。以達

京師。

一禁約。順治五年定。蒙古每年四季。各旗遣一人來京聽事。○十四年題準。外藩固倫公主。親王以下。縣君。公以上。或以朝貢。或以嫁娶。及探親等事。欲來

京師者。皆報院請

旨。不得私來。○康熙四年題準。除下嫁蒙古公主。郡主外。王以下。扎薩克。台吉以上。以進貢來者。不必題請。○又題準。歸化城。土默特。亦於每年四

季。各旗遣一人來京聽事。○十三年題準。台吉等年老有疾。不能親來者。方準遣使代貢。年壯無疾遣使者。不準。○三十三年覆準。蒙古王等隨來兵丁。絡繹不絕。著於各旗台吉。叅領。驍騎校內。選一人爲頭領監管。倘有搶掠竊盜事發。一併議處。並行文各扎薩克。嗣後凡無貢物。空身來者。停其給發印文。○四十三年議準。蒙古台吉。定爲一年一次進貢。如有情願來貢者。準其進貢。該扎薩克。將台吉等職名貢物。開載印文。進口時。該管官察明人數貢物。亦用印文。差

綠旗步兵齎送。其扎薩克印文。交稽察館務官詳勘。願來之台吉。亦照正貢例安置。○五十六年覆準。蒙古台吉等。進貢人入口時。令守邊口官。察明貢物。即用印文。交步兵齎送。不得遲延勒索。如違。交部嚴究議罪。○又議準。進貢之台吉等。由該扎薩克處。各將職名。年貌。貢物數目。並願來之台吉。逐一開明。給印文。令其來京。倘將冊內無名。品級未到之台吉。徇情濫給印文。令來者。將該扎薩克王。貝勒。貝子。公。台吉等。各罰俸一年。協理旗務台吉。各罰牲畜五九。○雍

察覈之下應增乾隆二十七年奏準進貢台吉預期造冊並覈定數目事例二條

正七年定。四時進貢聽事之處。改爲十月內來京一次。○乾隆十二年議準。每年冬季進貢之台吉等。均編班次。令其輪流行走。有千餘台吉之旗。令二三百人前來。五百以上之旗。令百餘人前來。止二三百之旗。來者不得過六十人。若  
有事故不能來者。不得逼勒。其願來之台吉。豫先詢明。每人給印文一紙。開載姓名。以杜冒替。並將各旗所來名數。彙造一簿。先期報院。以備  
察覈。

一騎從。順治五年題準。蒙古王等來京。親王。準

隨五十人。郡王。四十五人。貝勒。四十人。貝子。三十五人。鎮國公。輔國公。各三十人。台吉。都統等  
各十人。於定額之外多來者。不準支給食物草料。○十年題準。蒙古王等來京。親王。及隨從人。共馬十五匹。郡王。及隨從人。共馬十匹。貝勒。及隨從人。共馬八匹。貝子。固倫額駙。及隨從人。共馬六匹。公。和碩公主額駙。郡主額駙。縣主額駙。及隨從人。共馬四匹。公主之子。及從人。共馬三匹。台吉。及從人。共馬二匹。若台吉等隨其王。貝勒來者。止定本身馬一匹。固倫公主。視親王。郡

主。視郡王。縣主。視貝勒。郡君。視貝子。縣君。視公。都統子以下。雲騎尉以上。各本身馬一匹。均行文戶部支給草料。此外馬駝。交禮部馬館飼養。○十八年題準。公主。郡主等。與額駙同來。隨從人員。悉照來數。支給食物草料。若額駙等獨來。固倫額駙。準隨四十人。和碩額駙。三十人。多羅額駙。公主之子。二十人。固山額駙。十有五人。餘人。不準支給食物草料。○康熙六十一年議準。凡固倫公主來京。準隨護衛官二十三人。婢女十三人。僕從十四人。在館養馬六十五匹。坐馬

十五匹。和碩公主。護衛官十四人。婢女十六人。僕從十人。養馬六十匹。坐馬十三匹。郡主。婢女二十人。僕從十三人。養馬五十匹。坐馬十匹。縣主。婢女十八人。僕從十二人。養馬四十匹。坐馬八匹。郡君。婢女十五人。僕從十人。養馬三十五匹。坐馬六匹。縣君。婢女十二人。僕從八人。養馬二十五匹。坐馬四匹。鄉君。婢女一人。僕從九人。養馬十匹。坐馬三匹。宗女。婢女一人。僕從七人。養馬八匹。坐馬三匹。若固倫公主之固倫額駙。和碩公主之和碩額駙。來京。均準隨護衛六人。

隨從九人。僕從十人。養馬三十五匹。坐馬六匹。郡主之和碩額駙。隨從十三人。僕從十二人。養馬三十五匹。坐馬六匹。縣主之多羅額駙。隨從十人。僕從十人。養馬二十五匹。坐馬四匹。郡君之多羅額駙。隨從八人。僕從七人。養馬二十五匹。坐馬四匹。縣君之固山額駙。隨從三人。僕從七人。養馬十五匹。坐馬三匹。鄉君額駙。僕從六人。養馬八匹。坐馬一匹。若親王來京。準隨長史護衛等官二十三人。隨從七人。僕從十人。養馬六十匹。坐馬十五匹。惟科爾沁之土謝圖。卓里

克圖。達爾漢三親王。養馬六十五匹。郡王。長史護衛等官十八人。隨從七人。僕從十人。養馬五十匹。坐馬十匹。貝勒。司儀長。護衛等官十一人。隨從九人。僕從十人。養馬四十匹。坐馬八匹。惟科爾沁達爾漢親王旗一貝勒。養馬六十五匹。坐馬十五匹。貝子。護衛等官八人。隨從七人。僕從十人。養馬三十五匹。坐馬六匹。公。護衛等官六人。隨從六人。僕從八人。養馬二十五匹。坐馬四匹。扎薩克台吉。僕從十人。養馬十四匹。坐馬三匹。公主之子孫台吉。隨從三人。僕從三人。養馬

乾隆二十七年奉  
旨裁去馬館養馬亦照坐馬折價  
又覈減養馬並更定台吉僕  
從名數以下應增例三條

十五匹。坐馬三匹。姻戚台吉。僕從六人。養馬十  
五匹。坐馬三匹。台吉。僕從四人。養馬八匹。坐馬  
一匹。都統。子。副都統。男等來京。各準隨僕從四  
人。養馬五匹。坐馬一匹。長史。護衛。叅領。佐領。騎  
都尉。雲騎尉。驍騎校等。僕從各一人。養馬各三  
匹。坐馬各一匹。隨從領催。驍騎。閑散人等。不準  
帶僕。止準坐馬一匹。

一賓館。順治年間定。科爾沁三親王。一貝勒。及  
公主等來京。奏除內親王以下。民公。侯。伯。內大  
臣。侍衛。及一品官。咸蟒袍補服。出郊迎接。由禮

部備茶。餞送亦如之。均請

旨遵行。○康熙二十六年題準。科爾沁等十旗王以  
下。台吉等以上。請

安進貢。今年停其在

皇城内撥房。令於會同館內安置。○三十三年覆  
準。內外館居住來朝之蒙古。原委理藩院及光  
祿寺官。筆帖式。各二人驗看。給發什物。戶。禮。工。  
三部。止委司官。筆帖式。各一人。兩處驗給。實難  
周徧。嗣後戶。工兩部。加委旗員。筆帖式。各二人。  
分行內外館。遇蒙古到日。各項廩給。照數速發。

所給草。照穀草七斤之數。若有短少。將該管官員筆帖式。承發之吏。一并題參。

一限期。康熙六十一年議準。凡額駙等尚主之後。未往蒙古地方者。按其應得口糧。折銀支給。居住

京師之公主等回家時。仍分別給與路費。來時不計限期。供應廩給。凡額駙親屬。公主之子孫。自親王以下。台吉以上。凡繫姻戚來京者。皆得展限居住。非姻戚之王等以下。扎薩克台吉以上。來京者。均予十日廩給。平時來貢之台吉。予五

日。收納貢物之後。再給五日。都統以下來使。均予五日廩給。○又議準。內扎薩克王等來京。均定限四十日。正副使亦如之。○雍正元年議準。公主等下嫁蒙古。成婚之後。久住

京師。與蒙古無甚裨益。嗣後公主等下嫁蒙古。非特旨留京者。不得過一年之限。若因疾病。或有娠。不能即往者。令將情節。奏明展限。○二年奏準。下嫁蒙古之公主。郡主等。如欲來京者。並令請旨。不得擅來

京師。其奉

旨來京者。均定以限期。照例供給。內扎薩克額駙。準住四十日。公主。郡主等。準住六十日。如限滿後。仍欲留京者。亦須奏明。再支供給。○五年定。御前行走之額駙。台吉等。所供廩給。毋庸勒限。隨居住之日給與。○乾隆九年議準。蒙古額駙。台吉等。擢於

御前行走。與擢於

乾清門行走。既有分別。則其住京之例。亦應酌量。除擢於御前行走者。毋庸定限外。其擢於

乾清門行走之額駙。台吉等。仍定限四十日。令其起行。

一教養。順治十六年題準。台吉等有願入內廷隨侍者。由院具題。交與內大臣。○雍正九年

諭。從前

皇考時。曾將蒙古子弟。留內教養。應將蒙古王。貝勒。貝子。公。扎薩克等之子。年十五歲以上者。令其來京教養。交與理藩院請旨。欽此。遵

旨議準。行文內扎薩克六會盟長。將各王。貝勒。貝子。公。大台吉等之子。年十五以上。賦性聰敏。已經出

痘者。開具年歲。造冊送院。並行文喀爾喀等各  
扎薩克。一例辦理。○十年議準。擢於

乾清門行走之台吉。未授品級者。皆照伊等應得  
品級。給與頂帶補服。嗣後擢於

乾清門行走之台吉等。悉照此例。○乾隆十六年  
奉

旨。乾清門行走未得品級之科爾沁台吉。喀喇沁塔  
布囊。著賞給應得品級。嗣後有擢於乾清門。未得  
品級之台吉。塔布囊。皆著照此例。給與品級。欽此。  
一廩給芻牧折價。康熙四十六年議準。蒙古王

台吉等來京。除所騎馬駝。交館飼養外。坐馬草  
料。及煮料柴薪。仍行給與。其餘口糧食物等項。  
停其戶。禮工。三部領取。仍照該部所定之價。減  
十分之一。折銀支給。使衆蒙古得以自便。共沾  
實惠。○六十一年議準。自固倫公主以下。官員

以上。隨來僕從。原定每日給銀二分五釐。應加  
增一半。定爲僕從一人。日給銀五分。其宗女亦  
應酌給口糧路費。再固倫額駙本身口糧。原定  
日給銀七錢三分。應加增七分。日給八錢。公之  
塔本身口糧路費。原定日給銀四錢。應加增一

錢。日給五錢。扎薩克台吉本身口糧。原定日給銀七錢四分。應加增二錢六分。日給銀一兩。若額駙公主。郡主。暨蒙古王福晉。與台吉妻。夫婦同來往者。口糧并爲一分支給。坐馬。養馬。仍各照例分給。○雍正三年議準。公主等坐馬。日給料三升二合四撮。穀草。羊草各一束。柴斤半。王台吉等。及一應官員兵丁人等坐馬。日給料四升。穀草。羊草各一束。柴二斤。按定例柴一斤。價銀二釐六毫六絲。料一斛。價銀一兩二錢。穀草一束。價銀一分五釐。羊草一束。價銀六釐五毫。

一絲。嗣後坐馬草料。及煮料柴薪。亦應照從前口糧食物之例。減定價十分之一。折銀支給。均於本院庫銀內動用。年終彙數奏銷。○十二年議準。常住在京之蒙古。非暫來者可比。從前喀爾喀郡王。厄魯特貝勒之廩給。均照定例裁減一半。嗣後常住在京之蒙古。除

御前行走者不議外。餘均照例。減半給與。此等常住之人。無須飼養馬駝。並將草料折價一并停給。一廩給定數。康熙六十一年議準。固倫公主。本身及隨從人等口糧。每日共給銀六兩三錢五

分。坐馬草料。每日共給銀八錢六分九釐一毫三絲。公主來京。路費銀四十兩七錢九分。回家。路費銀四十兩一錢九分。隨從五十人。每日共給路費銀三錢。和碩公主。本身及隨從人等口糧。每日共給銀五兩二錢五分。坐馬草料。每日共給銀七錢五分三釐二毫四絲二忽。公主來京。進喜峯口。給路費銀十八兩五錢。進張家口。給銀十八兩。進古北口。給銀十七兩。公主回家。出喜峯口。給路費銀二十五兩五錢九分。出張家口。給銀二十五兩九分。出古北口。給銀二十

四兩九分。隨從四十人。每日共給路費銀三錢。郡主。本身及奴婢。每日共給銀四兩三錢七分五釐。坐馬草料。每日共給銀五錢七分九釐四毫二絲。郡主回家。路費銀十五兩一錢。奴婢三十五人。每日共給路費銀二錢。縣主。本身及奴婢。每日共給銀三兩五錢。坐馬草料。每日共給銀四錢六分三釐五毫三絲六忽。縣主回家。路費銀八兩五分。奴婢三十人。每日共給路費銀一錢八分。郡君。本身及奴婢。每日共給銀二兩八錢五分。坐馬草料。每日共給銀三錢四分七

釐六毫五絲二忽。郡君回家。路費銀六兩五錢五分。奴婢二十五人。每日共給路費銀一錢五分。縣君本身及奴婢。每日共給銀二兩八分。坐馬草料。每日共給銀二錢三分一釐七毫六絲八忽。縣君回家。路費銀三兩八錢。奴婢二十人。每日共給路費銀一錢二分。鄉君本身及奴婢。每日共給銀一兩二分五釐。坐馬草料。每日共給銀一錢七分三釐八毫二絲六忽。鄉君回家。路費銀二兩四錢九分。奴婢十人。每日共給路費銀五分。宗女本身及奴婢。每日共給銀九錢

二分五釐。坐馬草料。每日共給銀一錢七分三釐八毫二絲六忽。宗女回家。路費銀二兩。奴婢八人。每日共給路費銀四分。固倫公主之固倫額駙。和碩公主之和碩額駙。本身及隨從人等。每日共給銀四兩。坐馬草料。每日共給銀四錢四釐八絲二忽。額駙回家。出喜峯口。給路費銀二十五兩五錢九分。出張家口。給銀二十四兩九分。隨從二十九人。每日共給路費銀一錢五分。郡主之和碩額駙。本身及僕從。每日共給銀三兩二錢五分。

坐馬草料。每日共給銀二錢六分九釐三毫八絲八忽。額駙回家。路費銀十五兩一錢。僕從二十五人。每日共給路費銀一錢三分。縣主之多羅額駙。本身及僕從。每日共給銀二兩一分。坐馬草料。每日共給銀二錢六分九釐三毫八絲八忽。額駙回家。路費銀八兩五分。僕從二十人。每日共給路費銀一錢。郡王之多羅額駙。本身及僕從。每日共給銀一兩八錢一分五釐。坐馬草料。每日共給銀二錢六分九釐三毫八絲八忽。額駙回家。路費銀六兩五錢五分。僕從十五

人。每日共給路費銀八分。縣君額駙。本身及僕從。每日共給銀一兩三錢三分五釐。坐馬草料。每日共給銀二錢二釐四絲一忽。額駙回家。路費銀三兩八錢。僕從十人。每日共給路費銀五分。鄉君額駙。本身及僕從。每日共給銀一兩一分。坐馬草料。每日共給銀六分七釐三毫四絲七忽。額駙回家。路費銀二兩四錢九分。僕從六人。每日共給路費銀三分。科爾沁土謝圖。卓里克圖。達爾漢。三親王。本身及隨從人等。每日共給銀七兩三錢五分。坐馬草料。每日共給銀一

兩一分二毫五忽。來京。進喜峯口。給路費銀十  
八兩五錢。進張家口。給銀十八兩。進古北口。給  
銀十七兩。回家出喜峯口。給路費銀二十五兩  
五錢九分。出張家口。給銀二十五兩九分。出古  
北口。給銀二十四兩九分。隨從四十人。每日共  
給路費銀三錢。科爾沁達爾漢親王旗貝勒。本  
身及隨從人等。每日共給銀六兩三錢。坐馬草  
料。每日共給銀一兩一分二毫五忽。來京。進喜  
峯口。給路費銀十八兩五錢。進張家口。給銀十  
八兩。進古北口。給銀十七兩。回家出喜峯口。給

路費銀二十五兩五錢九分。出張家口。給銀二  
十五兩九分。出古北口。給銀二十四兩九分。隨  
從三十人。每日共給路費銀一錢八分。各部落  
親王。本身及隨從人等。每日共給銀六兩三錢  
五分。坐馬草料。每日共給銀一兩一分二毫五  
忽。回家。給路費銀十二兩八錢。隨從四十人。每  
日共給路費銀三錢。郡王。本身及隨從人等。每  
日共給銀五兩三錢五分。坐馬草料。每日共給  
銀六錢七分三釐四毫七絲。回家。給路費銀七  
兩八錢八分。隨從三十五人。每日共給銀二錢。

貝勒。本身及隨從人等。每日共給銀三兩四錢。坐馬草料。每日共給銀五錢三分八釐七毫七絲六忽。回家。給路費銀五兩。隨從三十人。每日共給路費銀一錢八分。貝子。本身及隨從人等。每日共給銀二兩九錢。坐馬草料。每日共給銀四錢四釐八絲二忽。回家。給路費銀三兩七錢。隨從二十五人。每日共給路費銀一錢五分。公。本身及隨從人等。每日共給銀二兩四錢一分。坐馬草料。每日共給銀二錢六分九釐三毫八絲八忽。回家。給路費銀三兩七分。隨從二十人。

每日共給路費銀一錢二分。扎薩克台吉。本身及僕從。每日共給銀一兩六錢一分。坐馬草料。每日共給銀二錢二釐四絲一忽。回家。給路費銀七錢五分。僕從十人。每日共給路費銀五分。公主子孫台吉。本身及僕從。每日共給銀一兩五錢三分五釐。坐馬草料。每日共給銀二錢二釐四絲一忽。回家。給路費銀二兩五錢七分。僕從六人。每日共給路費銀三分。有姻戚之台吉。本身及僕從。每日共給銀一兩一錢六分。坐馬草料。每日共給銀二錢二釐四絲一忽。回家。給

路費銀七錢五分。自此人以下。隨從。台吉。本身及

僕從。每日共給銀九錢二分。坐馬草料。每日共

給銀六分七釐三毫四絲七忽。回家。給路費銀

七錢五分。都統。子。本身及僕。每日共給銀三錢

八分。坐馬草料。每日共給銀六分七釐三毫四

絲七忽。回家。日給路費銀一分。副都統。男。本身

及僕。每日共給銀三錢二分。坐馬草料。每日給

銀六分七釐三毫四絲七忽。回家。日給路費銀

一分。長史。護衛。叅領。佐領。騎都尉。雲騎尉。驍騎

校等。本身及僕。每日共給銀一錢五分。坐馬草

料。每日給銀六分七釐三毫四絲七忽。回家。日

給路費銀一分。隨從。領催。驍騎。閑散人等。每日

給本身銀五分。若別行差遣來京。加銀二分。坐

馬草料。每日給銀六分七釐三毫四絲七忽。回

家。日給路費銀一分。是年十二月議準。蒙古

王等。既因

聖祖仁皇帝大事。前來京。其本身廩給。應遵

旨於常額之外。親王。郡王。日各增給銀一兩一錢。貝勒

貝子。和碩公主之和碩額駙。日各增銀五錢五

分。公。多羅額駙。固山額駙。扎薩克台吉。及姻戚

台吉等。日各增銀一錢六分。台吉等。日各增給銀二錢二分。○雍正十三年十月議準。因

世宗憲皇帝大事來京之蒙古王等。於照常廩給之外。親王。郡王。日各增給銀五錢五分。貝勒。貝子。和碩額駙。郡主額駙。縣主額駙。日各增給銀二錢七分五釐。公。郡君額駙。縣君額駙。鄉君額駙。扎薩克台吉。公主之子孫。姻戚台吉等。日各增給銀一錢八分三釐。台吉等。日各增給銀一錢一分。至循例進貢之王。台吉等。仍照常廩給。不必加增。

一燕饗

國初定。年節來朝之蒙古王等。均著於歲除

賜燕一次。新正

賜燕二次。越日。五旗王府各設燕一次。○康熙十五年定。蒙古進貢之副都統。長史等。皆令與燕一賞賚。

國初定。內扎薩克固倫公主。和碩公主。親王以下。公以上。請安進貢來京。本身無賞。如固倫公主。和碩公主。親王。郡王。遣使請安者。來使賞給洋段一。彭段一。三梭布十有二。僕從。布四。郡主。郡

君。貝勒。貝子。公。來使。賞給彭段一。布八。僕從。布三。進貢來京之台吉。都統。子。男。副都統。賞給大段一。彭段一。布十有二。叅領。佐領。騎都尉。雲騎尉。達爾漢等。賞給洋段一。彭段一。布七。王府長史。一。二。三等護衛。典儀。閑散人等。賞給彭段一。布六。本身不來。遣使前來進貢者。來使。賞給彭段一。布四。此外隨伊主前來者。均無賞。至有姻戚之台吉等。本身不來。準遣使請安進貢。其餘小台吉以下。驍騎校以上。本身不來。不準遣使。○順治十年定。歸化城進貢官員。各賞給裘。帽。

靴。帶。弓。矢。鞍。轡。白金。有差。○十一年題準。年節來朝之王等。賞給品物。均於

午門外頒賜。○十八年題準。蒙古等以私事來京者。止給行糧。不加賞賚。○康熙九年題準。年節來朝之歸化城土默特都統等。各賞三等漆鞍一。段七。茶一簍。○十三年題準。賞年節來朝之王。貝勒。貝子。公。台吉等。各分等次。親王。雕鞍一。銀茶筩。茶盆各一。段三十六。茶五簍。郡王。雕鞍一。銀茶筩一。段二十九。茶四簍。貝勒。雕鞍一。銀茶筩一。段二十二。茶三簍。貝子。漆鞍一。銀茶盆

一。段十有四。茶二篋。鎮國公。輔國公。各漆鞍一。銀茶盆一。段十。茶二篋。一二等台吉。漆鞍一段。五。茶一篋。科爾沁土謝圖。卓禮克圖。達爾漢。三親王。加賞甲胄一副。段八。扎薩克圖郡王。加賞銀茶盆一。段六。二十四年定。內扎薩克四十九旗。每年遣進羊酒聽事人。賞給彭段一。布八。僕從。布三。四十年議準。蒙古額駙。於郡主等薨逝後。續娶者。銷去額駙之號。停其俸祿。如郡主等薨逝後。不會別娶。仍留額駙之號。給以俸祿。○五十四

年覆準。鄂爾多斯請安進貢。照伊來使品級。賞給諸物。交與內務府。武備院。製造。埃起程時。賞給。○又覆準。賞年例來朝之王。貝勒。貝子。公。台吉等。段疋。雕鞍。銀茶筭。茶盆。黃茶等物。各照價直折銀賞給。其有加賞甲胄。段幣者。亦按數折銀加賞。○五十五年

諭。近來所賞蒙古衣帽。撒袋。腰刀。鞍轡。段疋。茶布等物。實爲粗陋。嗣後如賞內扎薩克喀爾喀。照定價畧減折銀賞給。如賞歸化城。西藏。厄魯特。鄂羅斯。著內務府。武備院。製造賞給。著詳議具奏。欽此。遵

旨議準。親王以下。台吉以上。應賞器物。親王。酌量折給銀四百三十兩。郡王。酌給銀三百十有七兩。貝勒。酌給銀二百三十八兩。貝子。酌給銀百五十兩。公。酌給銀百十有七兩。扎薩克台吉。酌給銀七十六兩。一二等台吉。酌給銀六十三兩。三四等台吉。酌給銀五十三兩。再科爾沁親王三人。各加銀七十二兩。扎薩克圖郡王。加銀七十三兩。永爲例。

一行圍。康熙六十一年奏準。蒙古隨圍之多羅郡王四人。各賞緯帽一。綿龍段袍一。粧段褂一。

鍍金環佩帶一副。羶靴皮靴。各一雙。腰刀一。環綠松石珊瑚撒袋一副。弓矢全。貝勒四人。貝子二人。公四人。各賞給緯帽。段袍。段褂。佩帶。羶靴皮靴。如前。不給腰刀。撒袋。弓矢。扎薩克一等台吉一人。賞如貝勒等。惟不給段褂。台吉。塔布囊。都統。副都統。叅領。佐領。侍衛。總管。副管。驍騎校等。共計四百二十二。各賞官用段一。隨圍驍騎長槍手。鳥槍手。前鋒。護軍。領催。哈嘛爾。嚮導。捕戶等。共計千七百四十二人。各賞銀六兩。牽駝馬人。及蒙古王等之閑散隨從人。共計五百

八十五人。各賞銀三兩。毛青布一。○乾隆六年  
奏準。此番管理圍場。並無王等。無庸議外。其管  
理圍場之科爾沁。敖漢。翁牛特。喀喇沁。等處。貝  
勒三人。貝子一人。公三人。多羅額駙一人。固山  
額駙一人。台吉。塔布囊。七十二人。侍衛。官員。二  
百二十五人。皆照康熙六十一年之例賞給。其  
隨圍之驍騎。捕戶人等。共千八百十有一人。照  
舊例賞銀六兩外。遵

旨。各加賞銀三兩。牽駝馬人。趕車人等。共二百九十  
六人。照舊例賞銀布外。遵

旨。各加賞銀一兩五錢。再貝勒。公。等之護衛。官員。亦  
應照前例。各賞毛青布一。銀三兩。奉

旨。科爾沁土謝圖親王等十五人。各加賞緯帽一頂。  
毳段衣一襲。佩帶靴鞵各一事。科爾沁達爾漢親  
王等三人。各加賞刀一。弓矢全撒袋一副。上用龍  
段一。塔布囊。敏珠爾。拉布坦。加賞腰刀一。弓矢全  
撒袋一副。哈嘛爾行走三十一人。各加賞官用段  
一。額駙策凌。雖未隨圍。亦照隨圍親王之例。賞給  
一分。其賞給之物。交伊子公。車布。登扎布。寄去。○  
十二年議準。嗣後前往哨鹿圍場。請安隨圍之

王。貝勒。貝子。公。台吉等。止賞段足者。按數賞給。若賞賜衣服。亦酌量折給段足。

一。俸幣。固倫公主。俸銀千兩。俸段三十。和碩公主。俸銀二百兩。俸段十有二。郡主。俸銀百五十兩。俸段十。縣主。俸銀百兩。俸段八。郡君。俸銀五十兩。俸段六。縣君。俸銀四十兩。俸段五。鄉君。俸銀三十兩。俸段四。固倫公主之固倫額駙。俸銀三百兩。和碩公主之和碩額駙。俸銀二百兩。俸段各九。郡主額駙。俸銀百兩。俸段八。縣主之多羅額駙。俸銀五十兩。俸段五。郡君之多羅額駙。

俸銀四十兩。俸段四。縣君之固山額駙。俸銀三十兩。俸段三。科爾沁土謝圖。卓里克圖。達爾漢三親王。俸銀二千五百兩。俸段四十。其餘親王。俸銀二千兩。俸段二十五。科爾沁扎薩克圖郡王。俸銀千五百兩。俸段二十。其餘郡王。俸銀千二百兩。俸段十有五。貝勒。俸銀八百兩。俸段十有三。貝子。俸銀五百兩。俸段十。鎮國公。俸銀三百兩。俸段九。輔國公。俸銀二百兩。俸段七。扎薩克台吉。俸銀百兩。俸段四。一等子。俸銀二百五十兩。二等子。百九十二兩五錢。三等子。百八十兩。

一等男。俸銀百五十五兩。二等男。百四十二兩五錢。三等男。百三十兩。一等輕車都尉。九十二兩五錢。三等輕車都尉。八十兩。騎都尉。俸銀五十五兩。雲騎尉。俸銀四十二兩五錢。○雍正七年

諭。蒙古王以下。扎薩克一等台吉以上。著通行增賞俸銀一倍。再閑散一等台吉。從前無俸。亦著照從前扎薩克一等台吉所食俸銀百兩之數。賞給嗣後著戶部會同理藩院。於年終將倍賞之處請旨。欽此。○十年議準。

乾清門行走之一等台吉。歲給俸銀百兩。二等八十兩。三等六十兩。四等四十兩。一振卹。

國初定。蒙古如遇災荒。令附於該扎薩克及各旗富戶喇嘛人等。設法養贍。如仍不敷。該會內人等。共出牛羊。協濟養贍。仍將協濟被災人口數目。造冊送院。倘連歲饑饉。該會內力乏。不能養濟。著盟長會同該扎薩克等。一同具報到院。由院請

旨。遣官察勘。發帑振濟。將該扎薩克王。貝勒。貝子。公。

台吉等。次年俸銀。豫行支取。一併入於振濟項內使用。振濟後。該扎薩克王等。仍不能養卹屬下。又至窮困者。即將窮困之戶。徹出。給與該會內賢能扎薩克等養贍。○康熙三十年。遣官五路。分察蒙古各旗佐領內貧人。奉

旨。前蒙古等處盜賊稀少。今乃日見奏報。良由窮困所致。彼攜妻挾子前來。若盡行收留。彼無遺類矣。今爾等往會彼屬王貝勒及耆老輩計議。作何長久營生。使貧人得所。不致邊土流亡。確議具奏。欽此。遵旨議準。衆蒙古王貝勒以下。耆老什長以上。謹遵

恩旨。嚴行曉諭各旗。嗣後均擇水草佳處游牧。輕役減稅。務求永遠營生之道。今先察明貧乏之戶。著本旗扎薩克及富戶喇嘛等撫養。不足。則各旗公助牛羊。每貧台吉。給牛三頭。羊十五隻。每貧人。給牛二頭。羊十隻。令其孳育。永作生理。勿爲盜賊。亦不致流亡。取具衆旗承領養贍貧人數目印結。一併送院。注册存案。倘日後有以貧窮告者。照冊將該管扎薩克議處。有告振不實者。仍治以罪。○雍正元年

諭。郭爾羅斯乏食。白都納倉糧頗多。即將此米散振。但

止給與米糧餬口。並無產業。何以爲生。向者給產業買牲餼之事。皆委富戶。富戶苟且塞責。所給蒙古之物。浮報數倍。蒙古並不得實惠。科爾沁一旗。與他蒙古不同。世爲國戚。恪恭異順。歷今百有餘年。今聞伊屬下之人乏食。朕心軫惻。著齎帑銀三萬兩往振。再差大臣一人。司官一人。往郭爾羅斯旗下。將實在窮苦。並無牲餼之人。察明數目。按伊戶口足用之數。給與乳牛羊隻。欽此。○又

諭。今年口外蒙古地方。雖獲豐收。但科爾沁。敖漢等。十六處扎薩克地方。收穫未豐。宜加特恩。科爾沁五旗。

著賞銀三千兩。此項銀。交與見今在京科爾沁王等帶去。將科爾沁土謝圖親王等五旗未能豐收者。察明賞給。敖漢等十一旗。著賞銀六千兩。可簡司官二人。分兩路送往。會同各該扎薩克。將未能豐收者。察明賞給。欽此。○五年

諭。索倫達虎里等處。兩年馬匹牲畜多有倒斃。豐歉不一。兵丁生計稍艱。著動戶部帑銀五千兩。交總管副都統與將軍公同商酌。養育索倫窮苦之人。及賞給効力兵丁。欽此。○乾隆十一年奏準。烏蘭察布一盟會。六旗遭旱益窮。蒙古見據該扎薩克等及各

旗有牲畜富戶。咸已兼顧養贍。應加鼓勵。請將  
此次養贍窮蒙古人內辦理旗務王台吉等。如  
後遇罰牲之案。視其養贍人數多寡。將應罰之  
牲。按數抵銷。閑散台吉官員人等。入於勤勞公  
事人內。亦按其養贍人數多寡。一例分賞罪罰  
牲畜。以示獎勵。○十二年

諭。據差往察覈拯救蘇尼特等六旗被災貧人之尚  
書奏稱。烏朱穆秦四旗被災較輕。其下二萬餘口  
貧窮蒙古。均并於該旗贍養。無庸拯救等語。該扎  
薩克等如此辦理。雖繫其分內之事。朕甚嘉之。著

特加恩。此四旗內養贍貧人之王。貝勒。貝子。公等。  
著賜俸半年。其無俸之副台吉。量賜銀四十兩。小  
台吉。二十兩。官員。白丁。喇嘛。入於賞給罪罰牲畜  
之內。均照去年烏蘭察布之盟。施恩辦理。欽此。

此條  
諭之下應增乾隆二十七年議準  
哲里穆召烏達卓索圖三會  
盟賑濟倉糧每年奏銷之例





